



Patriotske lige br. 58, 71 000 Sarajevo
Bosna i Hercegovina

Broj sudskog registra UF/I-2558/05, Općinski sud Sarajevo

ID: 4200258320003

Porezni broj: 01071306; Matični broj: 20379383

Matični registracioni broj: 1-566

PDV broj: 200258320003

Broj: P-2150-1-7

Datum: 24.07.2015.

Bosna i Hercegovina

Federacija Bosne i Hercegovine

Kanton Sarajevo

Vlada KS

n/r Premijera g-dina Elmedina Konakovića

Ul. Reisa Džemaludina Čauševića 1

71 000 Sarajevo

PREDMET: Odgovor na dopis Direkcije za puteve KS br. 04-27-sl/AA

Poštovani,

Dana 20.07.2015. godine primili smo dopis Direkcije za puteve KS, a koji se tiče, kako navode, problematike obavljanja komunalne djelatnosti na području KS, a osim Vama proslijeđenog i našem resornom ministarstvu te svim općinama u Kantonu. Samim dopisom i načinom iznošenja problematike, kao komunalno preduzeće zaduženo za održavanje javnih zelenih površina i to onih propisanih Programom održavanja javnih zelenih površina koji, prije primjene bude predmetom razmatranja i saglasnosti Ministarstva, a time i Vlade KS ostali smo najblaže rečeno zatečeni, jer se preduzeću „Park“ spočitava nešto za šta niti ima nadležnost održavanja, niti ima obezbijedena materijalna sredstva za iste. Posebno smo zatečeni činjenicom da Direkcija za ceste KS, koja i sama sa federalnim, ali i lokalnim nivoom upravljanja dijeli nadležnost za svoj dio djelatnosti na području Kanton Sarajevo, nama kao preduzeću i to s istim Vlasnikom i osnivačem spočitava nešto što nije u našoj nadležnosti.

S druge strane buni nas činjenica da Direkcija za puteve KS, kao i preduzeće „Park“, posluje u istim i sličnim poslovnim okolnostima, finansijskom situacijom u Kantonu, te da se nama kao komunalnom preduzeću spočitava nekvalitetno održavanje javnih zelenih površina koje nisu, niti su ikada bile u našoj nadležnosti, te nam stoga i nije jasna sama namjera dopisa, odnosno iznesene problematike.

Naime, dodjeljuje nam se, da ćemo, kako navode iz Direkcije, preuzeti u obavezu košnju javnih zelenih površina za ovu sezonu u ulicama (Dariva –Brusulje, ulica Drinska, Safeta Zajke, Ahatović, Dobrošević i slično) tek po projektu „Javni radovi 2015“, što nije u potpunosti tačno jer preuzeti u obavezu podrazumijeva neku stalnu radnju, iako bi Direkcija za puteve KS, kao kantonalna institucija, trebala znati da projekat „Javni radovi“ traje u toku sezone najviše dva mjeseca i da u okviru tog projekta od samoniklog rastinja budu očišćene samo lokacije koje prethodno budu definisane Programom „Javni radovi“, a na osnovu radne snage-broja angažiranih lica koji nama kao aplikantu bude odobren od strane JU „Služba za zapošljavanje KS“. Direkcija bi također trebala znati da je Program „Javni radovi“ za ovu sezonu već izrađen, što znači da je prijedlog lokacija već sačinjen i sadržava oko 50 lokacija po kvadraturi izuzetno velikih, a za čiju realizaciju će na osnovu našeg zahtjeva koji smo uputili prema JU „Služba za zapošljavanje KS“ nam biti potrebno 90 ljudi na period od dva mjeseca, što ne znači da će nam toliko broj i biti odobren, jer se takva situacija dešava već nekoliko godina, a uslovljena je isključivo finansijskim sredstvima koja budu odobrena JU „Služba za zapošljavanje“. Posebno je interesantno to što je procedura odabira poslodavaca za projekat „Javni radovi“ u završnoj fazi, stoga nas i čudi vrijeme kada Direkcija upućuje dopis ovakvog sadržaja, jer njihovo realno kašnjenje je od nekoliko mjeseci, jer je priprema projekta „Javni radovi“, odnosno spisak lokacija, u saradnji sa općinama i drugim nadležnim institucijama, počela još u proljeće.

Čudi i činjenica da nam Direkcija za puteve KS propisuje obaveze, pozivajući se na Zakon o komunalnoj djelatnosti KS, iako prethodno ne uzima u obzir da KJKP „Park“ d.o.o. Sarajevo u toku kalendarske godine, između ostalog održava jasno definisanih 2.893.552 m² travnjaka, 180.153 m² površina pod ukrasnim grmljem, 9.755 m² pod ružičnjacima, 6.720 m² zasađenih sezonskim cvijećem, 44.643 m² pod živom ogradom, 1.028 komada uličnih žardinjera, 95.518 m² vodotoka, 25.677 komada parkovskog alejnog drveća, 155.950 m² parkovskih staza i platoa, 2.698 klupa, 669 korpe za otpadke, 9.630 mladih alejnih stabala, novosagrađena dječija igrališta, aleje, šetnice.... na području Kantona Sarajevo čije održavanje je predviđeno i realizuje se prema godišnjem Programu održavanja javnih zelenih površina, a kojeg prethodno odobrava Ministarstvo komunalne privrede i infrastrukture KS, kao naše resorno ministarstvo. Naše preduzeće shodno Programu održavanja javnih zelenih površina svakodnevno obavlja zadatke uređivanja, izgradnje, sanacije i održavanja javnih zelenih i rekreacionih površina, parkova, drvoreda, travnjaka (ručna i mašinska košnja), orezivanja i sadnje ukrasnog grmlja, šišanja i sadnje žive ograde, pripreme i sadnje sezonskog cvijeća, okopavanja, orezivanja i sadnje ružičnjaka, alejnog i parkovskog drveće, popravke parkovskog mobilijara (tobogani, klackalice, ljuljaške i vrteške) i pješčanih korita, održavanja zelenila uz gradske saobraćajnice, zelenih



Patriotske lige br. 58, 71 000 Sarajevo
Bosna i Hercegovina

Broj sudskog registra UF/I-2558/05, Općinski sud Sarajevo
ID: 4200258320003

Porezni broj: 01071306; Matični broj: 20379383

Matični registracioni broj: 1-566

PDV broj: 200258320003

površina pored stambenih, vjerskih, rezidencijalnih objekata, te poslove zimske službe. Ponosni smo na naš doprinos ljepotama svih parkova, koji su zaštićeni spomenici biološkog naslijeđa u Sarajevu kao što su Veliki i Mali park, Koševo I i Koševo II, At Mejdan, banjski parkovi na Ilidži i dr. Direkcija za puteve KS, kao institucija na Budžetu KS trebala bi također znati da se finansiranje Programa održavanja javnih zelenih površina KS vrši iz Budžeta KS, te da to finansiranje još od 2008. godine iznosi oko 60-70% u odnosu na realnu cijenu koštanja svih radova zajedno sa svim fazama količinama propisanim Programom održavanja, a koji preduzeće „Park“ bez obzira na to realizuje u cjelosti i to sa najminimalnijim brojem radnika.

Sve javne površine koje su navedene u dopisu Direkcije za puteve KS nisu ni ove, a Direkcija vrlo dobro zna nisu nikada bile obuhvaćene „Park“-ovim Programom održavanja i u nadležnosti su lokalne zajednice, a s obzirom i da se radi o zelenom pojasu uz saobraćajnice, koristeći se logikom Direkcije za puteve KS, mi bi isto tako mogli smatrati da su u nadležnosti Direkcije.

Stoga sve kritike na račun preduzeća „Park“ s obzirom na naprijed navedeno u potpunosti odbacujemo i samo za kritike na rad u okviru naše nadležnosti odnosno površina za koje je zaduženo preduzeće „Park“, ukoliko ih ima, apsolutno smo otvoreni i prihvatit ćemo ih.

U dopisu nam se također spočitava i orezivanje grana i krošnji stabala koje zaklanjaju saobraćajne znakove i semafore, što nas također čudi, jer Direkcija za puteve KS, kao dugogodišnja institucija zadržana za održavanje putne komunikacije od značaja za Kanton, bi trebala biti upoznata s procedurom orezivanja, djelimične ili potpune sječe stabala i drugog rastinja, te da je preuzeće „Park“ u tom slučaju izvođač, a ne nalogodavac tih radova i da sječu, odnosno orezivanje vršima po Rješenjima izdatim od strane općinske službe, odnosno stručne komisije.

Na kraju smatramo da u vrijeme ekonomske krize i svih problema, posebno finansijske prirode s kojima se sve institucije i preduzeća u Kantonu Sarajevo, pa i BiH, susreću, smatramo da bi te institucije i preduzeća trebale imati korektniju i partnersku saradnju, pokazati malo više razumijevanja, jer u suprotnom svi bi mi imali osnova za žaliti se na rad i odnos bilo koje institucije i preduzeća, koji su akteri u ovom dopisu.

Za sve dodatne informacije i obrazloženja, stojimo Vam na raspolaganju.

Uz izraze uvažavanja,



DIREKTOR
Safet Baltić, dipl.ecc

Dostavljeno:

- Naslovu
- Ministarstvo komunalne privrede i infrastrukture
- Direkcija za puteve KS
- Općina Stari Grad
- Općina Centar
- Općina Novo Sarajevo
- Općina Novi Grad
- Općina Ilidža
- Općina Vogošća
- Općina Trnovo
- Općina Hadžići
- Općina Ilijaš
- Sektor održavanja j.z.površina
- a/a

Tel. Centrala: +387 33 560 560; Direktor: +387 33 560 570, 201-977; Fax: +387 33 560 561; 201-977

www.park.ba, E-mail: info@park.ba

Ralfeisen bank d.d. Sarajevo 1610000008150048, Turkish Ziraat bank Bosnia d.d. Sarajevo 1860001022085047

UniCredit bank d.d. 3386902212020028